

ქ. თბილისი

სსიპ საქართველოს ეროვნული საინვესტიციო სააგენტო, მდებარე ქ. თბილისი, გ. ჭანტურიას ქ. №12 (შემდგომში "შემსყიდველი"), სააგენტოს დირექტორის მოვალეობის შემსრულებლის, გიორგი ციკოლიას სახით, ერთის მხრივ და მეორეს მხრივ, შპს "ჯორჯიან ეარვეისი", მდებარე ქ. თბილისი, აეროპორტის დასახლება ქ. №79 (შემდგომში "მიმწოდებელი"), მისი გენერალური დირექტორის გეორგ ოკუჯავას სახით, ვთანხმდებით შემდეგ ზე:

1. ხელშეკრულების საგანი

- 1.1. გამარტივებული შესყიდვის გზით, ამ ხელშეკრულების მე-2 მუხლით გათვალისწინებული ანაზღაურების სანაცვლოდ, მიმწოდებელი ვალდებულია 2012 წლის 9 ივნისს შემსყიდველს გაუწიოს ჩარტერული რეისით მომსახურება (14 ადგილიანი) თბილი-ყარსი-თბილისის მიმართულებით - კერძოდ, უზრუნველყოს 2012 წლის 9 ივნისს ქ. ყარსში (თურქეთი) ეკონომიკისა და მდგრადი განვითარების სამინისტროს, საინვესტიციო სააგენტოს, თურქეთის სავაჭრო პალატების გაერთიანების და აზერბაიჯანის ექსპორტის და ინვესტიციების ხელშეწყობის ფონდის ორგანიზებით დაგეგმილ თურქეთი-საქართველო-აზერბაიჯანის ბიზნეს ფორუმის მონაწილე ბიზნესმენების (სოფლის მეურნეობის, სამშენებლო, ტრანსპორტის, მსუბუქი მრეწველობის და ლოგისტიკის სექტორის წარმომადგენლები) ტრანსპორტირება.
- 1.2. ხელშეკრულების საგნის CPV კოდია: 60420000 (ჩარტერული საჰაერო ტრანსპორტის მოსმასხურებები)
- 1.3. ხელშეკრულების გამარტივებული წესით წარმოების საფუძველია "სახელმწიფო შესყიდვების შესახებ" საქართველოს კანონის 10¹ მუხლის მე-3-ე პუნქტის "დ" ქვეპუნქტი და საქართველოს მთავრობის 2012 წლის 8 ივნისის განკარგულება # 1062

2. ხელშეკრულების ღირებულება

- 2.1 ხელშეკრულების საერთო ღირებულება შეადგენს 14601 (თოთხმეტიათას ექვს ერთი) ლარი.

3. მომსახურების გაწევის პირობები

- 3.1. მიმწოდებელი ვალდებულია 2012 წლის 9 ივნისს შემსყიდველს გაუწიოს ხელშეკრულების 1.1. მუხლით გათვალისწინებული მომსახურება

4. მიღება-ჩაბარების წესი

- 4.1. მომსახურების მიღებას ახორციელებს შემსყიდველის უფლებამოსილი წარმომადგენელი.
- 4.2. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების და საჭირო დოკუმენტაციის წარმოდგენის შემდეგ.

5. ანგარიშსწორების ფორმა და ვადები



- 5.1. ანაზღაურება მოხდება უნაღდო ანგარიშსწორების ფორმით, მომსახურების გაწევიდან(ანგარიშფაქტურის წარმოდგენიდან და მიღება-ჩაბარების აქტის გაფორმებიდან) 7 სამუშაო დღის ვადაში.
- 5.2. სახელმწიფოსთან საგადასახადო და სხვა სახის ანგარიშსწორებას აწარმოებს მიმწოდებელი.

6. მხარეთა უფლება-მოვალეობანი

- 6.1. მიმწოდებელი ვალდებულია:
 - 6.1.1. ხელშეკრულებით დადგენილ ვადაში მიაწოდოს შემსყიდველს შეთანხმებული ხარისხის და ოდენობის მომსახურება;
 - 6.1.2. განსაკუთრებული გულისხმიერებით მოეკიდოს შემსყიდველის ინტერესებს;
- 6.2. შემსყიდველი ვალდებულია:
 - 6.2.1. მიღება-ჩაბარების აქტის საფუძველზე მიიღოს გაწეული მომსახურება, თუ გაწეული მომსახურება შეესაბამება შეთანხმებულ ოდენობას და ხარისხს;
 - 6.2.2. ხელშეკრულებით დადგენილ ვადაში აანაზღაუროს გაწეული მომსახურების საფასური.
- 6.3. მიმწოდებელს უფლება აქვს ყოველგვარი სანქციის გარეშე უარი განაცხადოს წინამდებარე ხელშეკრულების 1.1. პუნქტში მოცემული ჩარტერული რეისის შესრულებაზე თუ რეისის შესრულებამდე შესაბამისი საავიაციო უფლებამოსილი ორგანოების მიერ არ იქნა გაცემული ნებართვები რეისის შესრულებაზე.

7. მხარეთა პასუხისმგებლობა ხელშეკრულების პირობების დარღვევისათვის

- 7.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზიანისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.
- 7.2. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დღისათვის მიმწოდებელს ეკისრება პირგასამტეხლო ხელშეკრულების ფასის 0.1% ოდენობით. თავის მხრივ ანგარიშსწორების ვადების დარღვევისას, შემსყიდველი ყოველ გადაცილებულ დღეზე, მიმწოდებლის მოთხოვნის საფუძველზე, უხდის მიმწოდებელს ასანაზღაურებელი თანხის 0.1%-ს.

8. ფორს-მაჟორი

- 8.1. მხარის (მხარეთა) მიერ ხელშეკრულების პირობების დარღვევა არ გამოიწვევს შესაბამის პასუხისმგებლობას, თუ აღნიშნული დარღვევა გამოწვეულია ფორს-მაჟორული გარემოებების ზემოქმედების შედეგად.
- 8.2. ფორს-მაჟორულია გარემოებები, რომლებიც წარმოადგენენ მხარეთათვის გადაუღალავ, მათგან დამოუკიდებელ პირობებს (არ არიან გამოწვეული მხარეთა განზრახ ან გაუფრთხილებელი, არასწორი მოქმედებების შედეგად) და რომელთა წინასწარ გათვალისწინება შეუძლებელია.

9. ხელშეკრულებაში ცვლილებების შეტანა



- 9.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.
- 9.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების მოქმედების ვადები

- 10.1. ხელშეკრულების მოქმედების ვადა განისაზღვრება 2012 წლის 8 ივნისიდან - 2012 წლის 31 დეკემბრამდე.
- 10.2. ხელშეკრულება შესრულებულია 3 (სამი) თანაბარი იურიდიული ძალის მქონე ეგზემპლარად, რომელთაგან 2 ეგზემპლარი გადაეცემა შემსყიდველს, ხოლო 1 ეგზემპლარი – მიმწოდებელს.

11. დავის გადაწყვეტის წესი

- 11.1. მხარეთა შორის წამოჭრილი დავა წყდება ურთიერთშეთანხმებით.
- 11.2. ურთიერთშეთანხმებით დავის გადაუჭრელობის შემთხვევაში დავა წყდება სასამართლო წესით.
- 11.3. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას.

12. ინსპექტირების პირობები

- 12.1. შემსყიდველის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს მიმწოდებლის მიერ ნაკისრი ვალდებულებების შესრულებაზე კონტროლი, მათ შორის მომსახურების ხარისხის შემოწმება.
- 12.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

13. ხელშეკრულების შესრულების შეფერხება

- 13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა აცნობოს მეორე მხარეს შეფერხების ფაქტის შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებასთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის ან ურთიერთშეთანხმების აქტის გზით.

14. ხელშეკრულების შეწყვეტის პირობები

- 14.1. შემსყიდველს შეუძლია ცალმხრივად შეწყვიტოს ხელშეკრულება, თუ:



- 14.1.1. თუ მიმწოდებელი სისტემატურად არღვევს ან არსებითად დაარღვევს ხელშეკრულებით გათვალისწინებულ ვალდებულებებს;
 - 14.1.2. შემსყიდველისათვის საქონლის მიღებამდე ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას
 - 14.1.3. შემსყიდველისთვის ცნობილი გახდა, რომ მიმწოდებლის მატერიალური ან სხვა მდგომარეობის საგრძნობლად გაუარესების გამო საფრთხე ექმნება მიმწოდებლის მხრიდან ვალდებულების შესრულებას;
 - 14.1.4. თუ წარმოიშვა ხელშეკრულების მე-8-ე მუხლით გათვალისწინებული ფორს-მაჟორული მდგომარეობა, რომელიც საფრთხეს უქმნის მიმწოდებლის მხრიდან ვალდებულების დროულ შესრულებას;
 - 14.1.5. საქართველოს კანონმდებლობით გათვალისწინებულ სხვა შემთხვევაში.
- 14.2. ამ ხელშეკრულების 14.1.2, 14.1.3, 14.1.4. პუნქტებით გათვალისწინებულ შემთხვევებში შემსყიდველს არ შეიძლება დაეკისროს პასუხისმგებლობა ხელშეკრულების შეწყვეტისა და ვალდებულების შეუსრულებლობისათვის.

„შემსყიდველი“:

სსიპ „საქართველოს ეროვნული
საინვესტიციო სააგენტო“
ს/კ №204990082
ქ. თბილისი, გ. ჭავჭავაძის ქ. №12
საქართველოს ეროვნული ბანკი
ბანკის კოდი 220101222
ა/ა №200122900

დირექტორის მოვალეობის
შემსრულებელი

„მიმწოდებელი“:

შპს „ჯორჯიან ეარვეისი“

№ 208 205 360

ქ. თბილისი, აეროპორტის დას ქ №79
სს თიბისი ბანკი მარჯანიშვილის
ფილიალი
ბ.კ. 220101850

ანგ. # GE65BG11 0000 0035 4679 49

გენერალური დირექტორი

